

餅水齋詩別集
烏魯木齊雜詩

玉井寧蓮集
金闕攀松集



餅
水
齋
詩
別
集

舒
位
著

中
華
書
局

叢書集成初編

研水齋詩別集（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五

此據畿輔叢書本
排印初編各叢書
僅有此本

餅水齋詩別集卷一

清 大興舒 位著

柔兆敦牂

春秋詠史樂府

撰春秋詠史長短句詩。強名之曰樂府。大旨以左氏內傳爲經。而以國語、公穀、爲緯。并雜采諸他書之論春秋時事者。凡一百四十首。昔人之爲詠史樂府也。惟楊抱遺、李畏吾、爲最著。近尤西堂。則有明史樂府。顧皆詳於後代。而略於春秋。今茲所詠。若補其闕。或褒焉。或譏焉。或存而不論焉。長言不足。則他事相形。莊論易倦。則談諧間出。雖其音節未必有合乎古。抑亦征南之一癖歟。蓋嘗論春秋人物。於君許楚共。晉悼於臣則魏絳、羊舌肸、公孫僑。三人而已。迨至共悼既歿。僑不能相大國。絳與肸皆不得爲正卿。灌而往。檜以下。讀史者索索然矣。故詠史詩止於此也。非倣伯恭博議之例也。

蔓難圖

京城大叔美且都。無使滋蔓蔓難圖。蔓雖難圖。荆可種。矧又黃泉不相送。不相送。會相見。小人有母能樹。護寡人有弟徒滋蔓。君不見象日殺舜。舜不憂。封諸有庫爲諸侯。

碩人怨

齊侯之子衛侯妻。妻錦襪衣。綠衣黃裏。頤人怨。蕭然絳絡秋風淒。秋風淒。送歸燕。淚如雨。不相見。

純臣篇

君州吁臣石厚。老夫痛心復疾首。戴嬀大歸君所知。此二人者假君手。亂臣賊子何代無。胡亥能死秦扶蘇。李斯不語趙高語。純臣石大夫。

公矢魚

春蒐夏苗各有制。今此矢魚非古意。侍臣稱疾不能從。流水茫茫迷遠地。珊瑚之網翡翠竿。歸來誰宴頭魚筵。爲魚最有魯魚苦。取次宣公濫泗淵。

滕辭朝

五年一朝三年一聘。辭封夏奚仲。滕亦周卜正。維山有木工度之。周禮宗盟重同姓。君不見漢陽諸姬楚蠶食。雖商諸任亦不得。何況齊人將築辭。

鄭子都

昔有鄭子都。姣好天下無。能射穎考叔。不能取螯弧。考叔死。子都喜。行出雞犬卒。出來咄嗟鄭伯焉。知禮。

營菟裘

營菟裘。齊社圃。討蔣氏。謝羽父。機事不密。則害成。將讓而弑。誠無名。天道好還。如轉轂。公死於齊。輿說輓。

郕大鼎

濟陰大鼎高巍巍。長繩百尺魯取來。出師本欲平甌亂。受賂乃復昭姦回。詰朝齋戒納太廟。臧孫流涕周公笑。昔聞九鼎遷至洛。今見大鼎來自郛。鼎如有耳豈不聞。鼎亦安足示子孫。何不鑄鼎作王斧。斬取當年宋華父。

戰繻葛

夏取麥。秋取禾。鄭伯怨王。王奈何。右拒周。左拒虢。鄭伯禦王。王敗績。魚麗之陳。旂而鼓。先者偏。後者伍。枉矢犯紫微。祝聃彎弓氣如虎。彎弓彎弓。王肩血。紅七十二國不討賊。令人卻憶齊桓公。

子同生

齊之甥。魯之子。不執仇。生亦死。蓬爲矢。桑爲弧。雌有雉。雄有狐。狐綏綏。雉啄啄。弧無弦。矢無鏃。不報仇。何爲耶。前宜曰。後夫差。

懷璧謠

贈君按劍而視之美玉。還我切玉如泥之寶劍。璧不可懷。劍不獻。獻璧無罪。劍無厭。叔也拔劍初出師。公也抱壁奔其池。君不見晉人假道路垂棘。大抵虞公皆好璧。

莫敖趾

莫敖趾。莫敖死。蒲騷之役。偶然耳。奈何莫敖心竊喜。大夫望氣如有神。請君更爲張三軍。豈惟大夫賢。夫人亦無兩。今日臣趾高。明日君心蕩。

雍糾妻

女爲父所生。妻以夫爲氏。二者有親疎。誰能分別此。母言人盡夫。父則一而已。將夫來比父。父夫安可比。女聞阿母言。心知大有理。密語告阿父。阿父聞此言。盛怒堵無禮。持刀磔殺之。流恨入骨髓。生當誅權臣。死當作厲鬼。哀哉勿婦謀。婦謀至於死。

新臺水

新臺水深深似海。河伯娶婦豔且美。鳩巢鴻網長相思。相思不到新臺水。水濁不照愁。水深難洗羞。韓憑愁殺化青蝶。楊環笑看飛黃虬。

黃虬謂
庶兄頑。

噬齊歎

噬齊噬齊且飲酒。楚王甥鄧侯舅三甥勸侯侯不從。一甥伐侯侯乃窮。噬齊噬齊淚沾臆。楚國終能亡鄧國。當年若聽三甥言。社稷早應不血食。

大豕啼

彭生人魯侯薨。彭生豕齊侯死。爲豕爲人竟何是。人立豕啼貝邱矢。貝邱矢射公子。

射鉤行

臣戰乾時臣射鉤。臣敗堂阜臣請囚。施伯殺臣臣不憂。鮑叔薦臣臣不羞。臣才可用身可留。臣請爲君霸諸侯。願君毋忘昔日仇。公曰唯唯卿無儔。

曹劉兒

劇請見劇請戰。小信神弗孚。小惠民未徧。君言察獄必以情。以情察獄堪用兵。公徒三萬殺氣紫。齊雲沈沈鼓聲死。鼓聲死。呼戰士。車轉軸。弦發矢。馬逸不能止。以刀殺敵如削紙。逐北追奔電光駛。督將上雪車。中恥彼哉肉食焉。知此歸聽鏡歌飲酒耳。

金僕姑

南宮長萬天下無。平生不識金僕姑。君豈可弑母可蠶。忠臣孝子何殊途。陳娥靡曼傾瓊液。會遣將軍醉無力。生常蒙虎皮。死當裹犀革。雖堅非馬革。君不見馬新息。

內外蛇

南門雙蛇鬪不止。門外蛇生門內死。死者一去不復回。生者化作龍飛來。漢高斬蛇三尺劍。宋武射蛇一枝箭。蛇妖誠有之。妖由人興妖不知。

媚息嬌

楚王新得息夫人。夢中化作陽臺雲。夫人顏色竟何似。有似東風三月桃花春。桃花盈盈溼春雨。但聞桃花香。不聞桃花語。桃花無言有兒女。楚宮秋。夫人愁。不怨息侯怨蔡侯。昔年花落人何在。今日花開水自流。君不見東家美人美無賴。一笑嫣然傾下蔡。

楚人閣

楚大閭乃以兵諫君。恨無細箭五十束。臣罪當誅。別其足。足別不可續。卞和空獻荆山玉。

五大夫

奪田奪園復奪宮。五大夫不相容。天子蒙塵無處所。五大夫自歌舞。歌聲舞態猶未歇。北門兵來仗黃鉞。哀哉勿作五大夫。勤王之旅無時無。

佞人來

佞人來。佞人來。執而逃。罪有歸。鄭人侵宋。事誠有魯人盟。齊會非久。逃亦不可逃。受亦不可受。佞人來。來何爲。

鳳凰占

娶妻如鴛鴦。擇婿如鳳凰。鴛鴦飛對對。鳳凰鳴鏘鏘。一世奔。再世強。五世熾而昌。八世專政殺齊王。以陳易齊。田代姜。豆區釜鍾不可量。七十二男如雁行。願君勿更占鳳凰。

二五耦

東關嬖五傾人城。梁五助之若耦。美男破老美女舌。況有優施中夜泣。吁嗟哉。淫破義。費極納女楚建。逃李園進妹春申斃。吁嗟哉。親惑疎。江充造蠱戾園殺。息夫作軒東平誅。

桓宮檀

桓宮檀煥且明。桓宮桷彫以琢。是諸侯。非禮也。彼子孫。何爲者。

未亡人

滅息執蔡死楚王。夫人奈何猶未亡。夫人未亡令尹喜。萬舞宮牆從此起。穀則異室死同穴。作詩者誰更誰說。六百兵車一轆轤。夜深楚帳聞啼鳥。

神降幸

神之來兮翩跹。賜汝號兮土田。土田兮陪敦。號公兮將奔國之興。今聽於民。其亡兮乃聽於神。爾神之昭兮。抑爾神之昏。生行舟而問水。死儀房以憑身。惟西師之將至兮。夫胡爲乎久居於此幸。

慶父材

慶父材哀姜哀。子般既死閔亦死。嗚呼魯難哀姜始。君看武媚娘。能廢廬陵王。已子尙如此。何況婦之子。恨殺築臺臨黨氏。叔牙中酒沈沈爾。哀姜不足哀。文姜何以文人言。齊三女。能殺魯三君。

鶴乘軒

仙禽翩跹良不惡。飛上高軒樂莫樂。爲鵝爲鸛鶴不知。忽化沙蟲與猿鶴。華亭鶴不可栖。揚州鶴不可騎。緱山月黑吹笙稀。歸飛華表聲淒淒。禽荒自古能亡國。鶴軒不舞魚軒逆。孤山處士鶴歸來。不向西陵借油壁。

城曲沃

請歌從軍行。長子帥師取大城。再歌築城曲。宗子維城勝曲沃。里克有裏言。士藺多奇策。誠不願有商臣。

亦豈難爲泰伯采藥不還藥亦香采薇不食薇生光愛憐少子老是鄉申生何爲久自傷獨不見漢之東海唐淮陽

風馬牛

蔡姬蕩舟齊侯驚楚人膠舟周王崩侵蔡伐楚良有以矧無縮酒包茅菁管仲方相齊子文亦相楚彼奇城池堅此耀甲兵武馬牛其風南海波犀兕尙多棄則那乃知城濮之議戰不若召陵之議和

專之淪

秦龜秦筮夫人冊筮則僂龜則逆龜長筮短君不知十年臭味良差池史蘇之占不能用君王夜有齊姜夢齊姜薰不香已無投笏楮都督空有望塵潘侍郎

補比杜原款潘比里克

四字獄

于少保兩字獄岳將軍三字獄賊由太子四字獄大抵小人女子心欲食忠臣孝子肉豈知胙肉原無毒倉頡造字鬼夜哭

賦狐裘

朝築城屈暮築城蒲蒲主重耳屈君夷吾築蒲者誰耶築屈者誰耶狐裘蒙茸何爲耶思公子兮別無家青宮桐木黃臺瓜

虞不

欲知虞與虢。譬若隴及蜀。得隴思蜀。誰不然。伐虢取虞。如破竹。韓賁賁。星焯焯。虞後執。虢先奔。虢不五稔。虞不臘。輔車唇齒。誰與論。輔車本相依。唇齒亦相黨。唇齒寒。馬齒長。

城虎牢

城虎牢。城何高。城高不能障。譏口安得長。食園中桃。楚王昔贈申侯璧。候今奈何適小國。小國不能容小人。虎牢城。城乃傾。

會葵邱

塗山盛王會。葵邱急霸功。叛者已九國。不聞誅防風。賜胙既非禮。拜胙亦多僞。所以游夏徒。不道桓文事。藐諸孤。

慶父殺般。成季奔里克。殺卓荀息死。死者非奔者。是非謂奔者是。死者不得其所死。君言藐諸孤。辱在荀大夫。大夫曰貞貞乃諒。大夫曰忠忠則愚。忠貞既竭。股肱力猶幸。當年言不食。雖不食。竟何益。吾聞伐虢取虞。皆荀息。奈何不能殺里克。信不近義。謀不臧。白圭白圭磨不得。

伏劍恨

二君一大夫。竟爲誰人死。伏劍不須恨。執筆非率爾。如何晉悼公。不殺欒武子。

新城巫

申生昔乘車。狐突執其轡。下國忽登僕。此事咄可恠。鬼曰晉卑秦。毋乃帝有醉。惟應新城巫。先告宗邱敗。

九百里

黃叛楚。楚伐之。楚伐黃。齊不知事。齊事楚。良獨難。南海北海何當還。君不見郢人倍道荆尸起。一夜能馳九百里。

汎舟役

渭川萬棹來河曲。絳州民食雍州粟。爲君一唱汎舟歌。不數雨珠復雨玉。天災流行何處無。明年秦吏空催租。秦人飢死晉飽死。晉人忽作越人視。爲君再唱汎舟歌。汎舟之役夫如何。

鄭小駟

扇馬不可騎。小駟不可乘。況張三軍觀殺獲。水土不習奚能勝。君不見韓原失意輅。秦伯出淖掀公不可得。可憐君馬黃。眞到烏頭白。

作州兵

作爰田。國人哭。作州兵。國人樂。呂甥祕計洵無雙。卻乞文辭亦不辱。忽憶當年安樂公。閉目垂頭不思蜀。

五公子

五公子。六夫人。夫人非六如者六。公子各自思爲君。思爲君。不可得。筦子天下才。乃以孝公屬宋國。噫吁嘻。豎刁昔作觀軍容。易牙負鼎開方凶。楊門扇底壽宮淚。蠕蠕不殺三尸蟲。

鑄三鐘

願鑄鐘。弗鑄兵。鑄兵多殺氣。鑄鐘多遠聲。豈不知咸陽金人十有二。揭竿斬木終能至。

新里行

新里復新里。若若西逼秦。西逼秦。勿謂秦無人。秦人朝入新里門。新里竟爲秦人新。梁人築新里。梁人不能。有秦人不自哀。乃爲新里守。國家之守守在德。不在池深與城厚。新里新梁國。奔長城。長秦國亡。

與子歸

卜之不從。妾爲妻。簋之不從。嬴敗姬。嬴敗姬。今姪從姑。乃心西悲。歸來乎。問女何所悲。不及公子同與歸。思公子。未敢言。已逢蕭史。休回首。爭見洪崖。又拍肩。

魚門冑

馬腹甯可鞭。蠅尾豈不掉。誰知魚門冑。忽作龍山帽。君不見王頭士。壘空相笑。

公傷股

魯人戰齊人。公將鼓。劇曰。不可。齊避魯。宋人戰楚人。公不鼓。公曰。未可。宋逃楚。公言不重傷。鄆子何爲用。雕社。公言愛二毛。滕子想非頰白者。大莫大於漢夜郎。智莫智於周宋襄。嗟嗟宋襄股。乃傷。

柯澤行

桓姜會齊侯。詩爲桓公羞。文芊勞楚子。史爲文公恥。婦禮不踰闕。與門二姬。況出文夫人。夜深豈有高唐夢。薄薄魚軒遠相送。

公子篇

哀王孫。母具食。觀公子。妻貞璧。英雄失路。無人知。往往相憐。在巾幘。宮中一夜。醉鴛鴦。愁殺青青陌上桑。娉婷不嫁。遠離別。二十五年。空斷腸。

縣上田

既焚介推山。亦藝負羈宮。求賢與報德。皆用烈火攻。所求何賢。報何德。縣上有田。畊不得。龍蛇之歌。悽以惻。烟火蕭條。作寒食。

替隗氏

夏之放。惑妹喜殷之亡。悅妲己。周之遷。笑褒姒。東周之奔。替隗氏。無極無終。惟女子。天下之事。可知矣。

聚鵲冠

公子好奇服。流亡不知處。傳聞陳宋間。有人冠翠羽。冠翠羽。作天子。不衷不稱。盜殺汝。

國子銘

邢衛皆遭狄擊。豈知衛亦邢之狄。當年同姓。竟何如。孤負齊人。從簡書。巡城何處來。二禮。二禮來。一國死。且自爲銘。良不恥。曷銘爾。曰。余掖殺國子。莫余敢止。

請隧行

左師逆天王。右師取太叔。秦伯雖可辭。陽人亦不服。函關紫氣從東來。路人爭看天王回。原田每每南陽。

境酒酣殷勤以隨請。王曰：叔父公其休。他年遺恨，譬如牛。

原城圍

甯退一舍圍，毋失三日信。不聞倉葛呼，但向勃鞞問。晉侯器小不足論，趙衰亦記壺飧恩。君不見狗監薦相如，景監因商君。將軍豆粥野人塊，衰乎衰乎空爾文。

戰城濮

盟衡雍，戰城濮。獻楚俘，受王福。大輅之服戎輅服，彤弓旅弓光赫煜。秬鬯馨香卣刻玉，虎賁絕勝紀綱僕。王策晉侯侯三辭，再拜稽首乃受茲。彼善於此，誠有之。信盟德攻，吾不知。

夢河神

中軍夜夢河神語，瓊弁玉纓願乞與。會須賜汝孟諸湄，令尹躊躇不能許。號神六月初，錫田河神一夜來求冠。妖夢窮神本無賴，雖與之冠兵亦敗。

狩河陽

以臣召君罪不宥，不得已。書曰狩，大書特書意忠厚。河陽非復岐陽舊。

深室獄

深室獄，討不服。豈曰討不服，恩怨分明出五鹿。曹貨筮史衛貨醫，何似魯侯十穀玉。玉乃王與晉侯之所欲，歸遣成公夢康叔。